

Abessinia.

—0—

Leiðinlegt er að sjá svo víða farið rangt með nafnið á landi, sem nú er mikið skrifað um. Landið heitir Abessinia en ekki Abyssinia. Á máli íbúanna heitir landið Habesj. Í þessu sambandi minnst eg þess, að Mussolini var fyrir nokkrum árum, mjög oft nefndur hertogi, bæði í útlendum blöðum og innlendum. Þetta stafaði af misskilningi á ítalska orðinu duce, sem þýðir leiðtogi; sbr. að Hitler er nefndur Führer; hertogi er á ítölsku duca. Úr því að á slíkt er minst, má geta þess, að eg sá fyrir nokkru í útlendu blaði ferðasögu frá Grikklandi, þar sem höfundur talar um hérað er hann nefnir Meteora; getur hann þess til að nafnið muni vera leitt af því að bergið þarna sé að nokkru leyti myndað af loftsteinum (Meteoritum). En gríska orðið meteora þýðir m. a. hálendi, og af því er nafnið leitt, eins og t. d. á Skotlandi, Highlands.

Helei Pieturss.